

22

I. N. J. C.
DISSERTATIO ACADEMICA,
EXPLICATURA QUÆSTIONEM:
**AN LEGES CIVILES
OBLIGENT
LEGISLATOREM?**

QUAM
Consensu Amplissimæ FACULTATIS Philosophicæ
in Regia Academia Aboënsi,

PRÆSIDE

**MAG. JOHANNE
BILMARK**

HISTOR. & PHIL. PRACT. PROF. Reg. & Ord.

Publice examinandam sistit

FRIDERICUS G. MARTINIUS,
TAVASTENSIS.

Die I. Dec. Anni R. S. MDCCLXIV.

L. H. A. M. C.

A B O Æ

Impressit JOH. CHRISTOPH. FRENCKELL.

S:Æ R:Æ
MAXIMÆ, MAGNÆ NEC
VI-

Illustrissimo & Generosissimo DOMINO,

**D:NO A D A M O
FREDENSTJERNA,**

Supremi Judicij, quod in Magno Ducatu Finlandiae est,
PRÆSIDI Gravissimo.

NEC
NOBILISSIMIS, AMPLISSIMIS at-
CONSILIARIIS

- D:no CAROLO LAGERBORG.
D:no CHRISTOPHORO J. RAPPE.
D:no CAROLO KROOK.
D:no CAROLO BOTTNERO.
D:no JACOBO NEUMAN.
D:no PETRO JUSLEN.
D:no JOHANNI E. TÖRN.
D:no LAURENTIO SCHULTZ.
D:no MICHAELI LILIO.

MÆCENATIBUS
MAXIMIS,

Tenues has meditationes Vobis, MÆCENATES &
nec non in spem favoris VESTRI cum cali-
bras esse voluit
GENEROSISS. & NOBIL SS.

cliens
F. G.

MAJ:TIS
NON SPECTATÆ FIDEI
RIS

Illusterrimo & Generosissimo DOMINO;

D:NO JOHANNI
LAGERFLYCHT,

Supremi Judicij per Magnum Ducatum Finlandiaæ PRÆSIDI
& PRO-PRÆSIDI Gravissimo, nec non EQUITI
Aurato de Stella Polari.

NON

que CONSULTISSIMIS DOMINIS,
& ADSESSORIBUS

D:no HENRICO PIPPING.

D:no JOHANNI IGNATIO.

D:no GUSTAVO IDMAN.

D:no PETRO v. TÖRNE.

D:no NICOLAO HASSELBOM.

& PATRONIS
BENIGNISSIMIS.

PATRONI OPTIMI, in pignus devotissimi animi,
dissimo pro perenni VESTRA incolumitate voto fa-
ac debuit

NOMEN VESTRORUM

humilissimus

MARTINUS.

Admodum Re-sendo atque Praeclarissimā,
Dn. MARTINO MARTINIO,
Ecclesiarum, quae DEO iu Hauho, Tulois & Luopiois colliguntur, *PASTORI* longe meritissimo,
districtusq; adjacentis *PRÆPOSITO* accuratissimo,
PARENTI INDULGENTISSIMO.

Sl motus, quibus animus meus blande jam afficitur,
rite exprimere possem; quot litteras, tot etiam, indulgentissime Pater, devotissimi pectoris cerneret
indicia. Contingit autem mibi, quod præstantissimis sēpe Oratoribus evenisse novimus, qui nimia dicendorum copia ad tristem verborum inopiam fuerunt redacti. Ne tamen mibi defuisse videar, verbo tantum nominabo, quod plena oratione condigne celebrari nequit. Scilicet post DEUM O. M. Tibi, Indulgentissime Pater, vitam, &
quæ hanc comitari solent, bona debeo. Nullis enim pro tenero, quo me amplecteris, affectu, pepercisti curis, nullisque sumtibus, ut scientias & virtutem, illa felicis vitæ adminicula, probe addiscerem. Nibil autem habeo, quod Tibi pro tantis in me meritis rependam, præter pietatem nunquam intermorituram; cuius pignus tenuem hanc dissertationem, quam Tibi humillimus offero, esse volui. Insuper nihil mibi prius, nihil antiquius erit, quam Supremum Numen adiudicis fatigare precibus, velit Te, Paren̄s Carissime, omnigena felicitate maculatum, in Nestoreos usque annos nobis conservare. Sic vovet

PARENTIS INDULGENTISSIMI

filius obedientissimus
FRID. GAB. MARTINIUS.



Phaethonteam prope temeritatem imitari videntur, quotquot de Principum officiis & obligationibus differere audeant; quamobrem etiam ARISTOTELES, ut erat rerum aulicarum scientissimus, olim fuisit CALLISTHENI, in longinquam militiam profecturo, ut cum ALEXANDRO, Rege suo, aut rarissime aut quam jucundissime loqueretur (α). Quin prudenter admodum ista monuerit, nemo negat; dubitari tamen potest, an ejusmodi consilia virum cordatum atque Regis & patriæ, quam sui, amantiorem valde deceant. Nihilo tamen minus plurimos, praesertim qui Principum obseruent limina, deprehendimus, qui vultum callide fingunt, obsequio grassantur atque Palatinas commode dicunt delicias, qui que in sententiis maximi momenti ferendis non tam æquitatem aut publicam utilitatem, quam Principis consulunt beneplacitum. Hoc porro ardelionum genus in ipsam Majestatem se injurium futurum existimat, nisi tantam Regi cuivis competere potentiam pronuntiet, quanta ne major quidem

concipi potest; quare etiam principia ipsis familia-
ria hæc sunt: quod civitas propter Principem sit
tantummodo constituta; item: quod Princeps ejus-
modi obligationibus, quales inter cives dantur,
nullis omnino teneatur (*b*). Sed hi fere sunt, qui
Principem, quem impense colere videntur, sincero
minime prosequuntur amore; immo multa, quæ
detegenda forent, callide celantes, veritatemque
Principi invisam esse, perverse putantes, non Re-
gis honori, sed suo tantum velificantur ambitioni
(*c*). Quocirca etiam Imperator AURELIUS ALEXAN-
DER SEVERUS amicos, si malos comperisset, punie-
bat ac dimittebat, dicens: *His carior est mihi Res-
publica* (*d*). Hujus prudentiam bonus quisque Prin-
ceps imitatur, qui, his aularum blattis ejectis, in
suam amicitiam illos tantum admittit, quos virtu-
tum candor eximie commendat. His vero, quo-
rum frui consiliis Princeps non dignatur, mini-
me convenit, CALLISTHENIS rigorem æmulari, sed me-
dium semper teneant inter morosam contumaciam
& deforme obsequium; probe gnari, quod quan-
tumvis recte & bene in medium alioquin consu-
luerint, non tamen audiantur, quod non tam sva-
dere, quam imperare videantur. Si vero ita se-
gerant, ut non tam ipsi, quam ipsa ratio simplici-
tate ingenua loquatur; profecto ipsorum argumen-
tis, modesta libertate prolatis, magnanimus nul-
lus offendetur Princeps. Quærat forte quispiam,
quorsum hæc tendant præcepta? Te igitur B. L.
diutius suspensum non tenebimus. Ex rubro diserta-
tionis

tionis hujus affatim cognovisti, quod quæstionem valde arduam: *An Leges scil. civiles obligent Legislatorem?* enodandam in nos suscepimus, quam plerique E-ruditorum negare solent; argute contendentes, Principem legibus quibusvis civilibus longe superiorem esse. Horum vero auctoritatibus parum com-movemur; siquidem cum ratio, etiam dum modestis-sime calculos subducit, aliud svadet, tum etiam ma-ximi atque potentissimi Principes, quorum gravissi-mis suffragiis adsurgere quemvis decet, aliter cen-sent; quod mox pluribus ostendere conabimur.

(a) *Vid. VALERII MAXIMI Libr. VII. p. m. 228.* (b)

Hunc errorem egregie perstringit *VATTEL* dans le *Droit des gens* Tom. I. p. 19. (c) De duobus olim Macedonibus di-ctum fuit, quod alter amaret Alexandrum, alter vero Regem. Immo Cardinalis BIRAGUE perfrictæ adeo fuit frontis, ut profiteri non dubitaverit: *Je ne suis pas Chancelier de France: je suis Chancelier du Roi*, addidit quidam: *& de la Reine sa Mère.* En perversas admodum parasitorum distinctiones.

(d) *Vid. LAMPRID. in vita Alexandr.*

§. I.

Quamvis singulæ, quæ in civitate feruntur, Le-ges ad tranquillitatem & felicitatem publicam promovendam tendant, non tamen propterea omnes ejusdem sunt aut generis aut dignitatis; qua-re etiam diversas Legum species nobis proponere solent Politici. Leges quasvis respectu Auctorum in Divinas & humanas dispesci, noto notius est; sed isthæc distinctio non adeo pertinet ad nostrum

propositum. Loquimur enim de eis, quas homines, postquam in civitates migrarunt, considerunt. Inter has autem primum sibi locum vindicant *Leges Fundamentales*, quæ nuntiunt pacto inter Principem atque cives inito. Illis forma regiminis continetur, modusque explicatur, juxta quem auctoritas publica rite sit exercenda. Licet autem quis dicat, has nonnisi improprie leges (*a*) appellari; inde tamen non sequitur, easdem obligatione casfas esse. Ipsum enim Numen, cuius supremo imperio omnia subsunt, quodque Leges nobis concessit Naturales, vi harum exactam pactorum observantiam ab hominibus cujuscunque ordinis exigit; adeoque qui Leges Fundamentales migrat, conscientiam suam omnino laedit. Quod vero ad indolem harum Legum attinet, faciles damus, easdam ab initio multis conditionibus determinatas fuisse, cum mortales libertatem, auro contra & argento cariorem, circumscribi ægre tulerint; postmodum autem Principum & benevolentia & felicitate permotos cives laxiorem ipsorum voluisse potentiam (*b*). Atque in hæc procul dubio tempora quadrat sententia *JUSTINI* (*c*): *Quod arbitria Principum pro legibus fuerint.* Præterea vero cum diversa sit hominum indoles, quæ pro cæli solique natura non raro mutatur; necessarium erat, ut Legibus modo memoratis aliæ accederent, *Civiles communiter dictæ*, quæ explicant tam jura, quibus quisque, quatenus est membrum hujus vel illius civitatis, frui potest, quam officia, quæ singulis

gulis præstanta incumbunt. Debent autem hæ originem suam Principis auðoritati, qui pro ea, qua eminet, prudentia tempestive significat, quid e re civitatis esse putet. Multa omnino sunt momenta, circa quæ hæ Leges versantur, pleraque tamen hic redeunt, quod partim tranquillam opum legitime partarum, possessionem cuivis procurent, partim bonos mores & justum inter cives ordinem promoveant, partim denique valide impediant, ne nullus conamina in alterius tendant perniciem. Quamobrem pleraque legum civilium nituntur rationibus vel tacitis vel expressis (*d*), quæ, si omnes ad vivum reſcentur, modo ab æquitate Naturali (*e*), modo etiam a constitutione & conservatione integræ civitatis sumuntur. Quod has Leges observare debeant singuli cives, & ita quidem, ut conscientiam suam admodum laedant, si ipſas vel cavillentur vel transgrediantur, nemo facile dubitat; an vero majestatis fastigio dignum sit, has etiam vitæ regulas sequi, res altioris est indaginis, quam tamen pro modulo ingenii mox explicabimus, ubi quædam adhuc præmisierimus.

(a) Cum Princeps, cui summum in civitate competit imperium, neminem in terris agnoscat superiorem, nullæ quoque Leges ipsi ferri possunt; attamen respectu DEI, cui pectorum fides curæ est, Principis etiam conscientiam omnino obligant Leges fundamentales. (b). *Via. Libr. L' Origine des Loix &c. Tom. I. p. m. 72. seq.* (c). *Vid. Libr. I. Cap. I. (d).* Hinc in Regulis Judicialibus (Domate Regl.).

All Lag är infatt för rätt och skäl. Regl 19. (e) Quare *PHILO Judaeus de Josepho: instituta particularium civitatum appendices juris Naturalis vocat.*

§. II.

Per Principem seu Legislatorem hoc loco intelligimus illum vel illos, cui vel quibus summa in civitate potestas competit, reliquorum actiones dirigendi. Juvat igitur hunc Atlantem, ad indolem & finem civitatum attendendo, nunc exhibere. In antecessum vero monemus, quod fatuam omnino prodant adulacionem, quotquot arbitrentur, Principes imperium, quo gaudent, a solo DEO accipere (a), nec quidquam civibus suis acceptum referre, licet isthanc opinionem specioso etiam pietatis fuso incrustare soleant. Quocirca nos animadvertisimus, imperium civile DEO utique suos debere natales, nec negamus, quosdam a Summo Numine ad imperii administrationem immediate fuisse designatos, sed cum pauca admodum horum sint exempla, nec proinde in generale produci queant argumentum, sequitur omnino, quod Principes mediantibus pactis, ab intio initis, imperium obtineant, quod etiam in casibus allatis contigisse, haud obscure probari potest. Cum vero Providentia Divina circa imperiorum constitutiones præcipue occupetur (b), quin Divini quid his insit, negari nequit. Originem vero imperiorum jam inquisituri, observamus, singulos homines

nes ab initio æquales fuisse; cum vero æqualitas ista plurimis premeretur incommodis, uni sive Principi sive Senatui tantam concessisse in se potestatem, quanta ad felicitatem publicam & obtinendam & promovendam judicabatur necessaria. Atque hinc proxime repetendam esse imperiorum originem, saniores quique Politici fatentur (c). Quando igitur populus quicunque Principi administracionem imperii defert, simul quoque arbitria voluntatum & virium ipsius prudentiae committit, & jura sua in sinu ejus velut deponit, quatenus tamen hæc ad civitatem regendam & auctoritatem publicam rite exercendam pertineant. Princeps itaque omnium tam obligationum, quam jurium, quæ relationem quandam ad imperium habent, arbiter ita constitutus, est persona illa Moralis, quæ sicut in ipsa natione omnino esse non desinit, ita suam quoque potentiam non amplius excerceat, nisi in illa & per illam. Ex quibus facile intelligitur, quod Princeps vices universi populi, cui imperat, semper & ubique gerat; adeo ut quicquid ille velit aut exsequatur, idem quoque integra natio pridem voluisse & egisse censeatur. Addo præterea, quod characterem eiusmodi repræsentativum Principi tribuendo, nihil plane de Majestate ejus, quam summam esse ingenui omnes agnoscimus, decedat. Si enim THEMISTOCLES majorem nullam senserit voluptatem, quam cum post pugnam Salaminiam in theatro viseret omnium civium oculos in se conversos: quanto majori adficietur Princeps, qui tantam possidet potest.

potestatem & auctoritatem, quanta integra gaudet natio, quemque prolixa civium studia pressè sequuntur; ita quidem ut non obligetur ad redendam ulli mortalium rationem eorum, quæ gesserit, cum ejus imperium alioquin non foret summum? Hæc ipsa perpendens bonus Princeps, qui Patris Patriæ titulum tuetur, in imperio administrando se ipsum non respicit, nec sua quærit commoda, sed publicam auctoritatem in publicum adhibet usum. Quo igitur propiori velut gradu ad Divinam Majestatem accedit, eo majorem nativat operam, ut propter eximias commendetur virtutes; præcipue vero Religionem atque justitiam, fulcra illa civitatis, sollicite colit.

(a) Huc pertinent blanditiæ *ARISTOTELIS*, qui *Libr. I. Politic. Cap. 3.* statuit, quod natura quosdam ad imperandum effinxerit, quosdam ad parendum. Qualia opinorum monstra alia quoque vidimus. (b) Hinc *CICERO in Libro de Somnio Scipionis*: Nihil est illi principi DEO, qui omnem hunc mundum regit, quod quidem in terris fiat acceptius, quam concilia cœtusque hominum jure sociati, qui civitates appellantur. (c). Vid. de *VATIEL Libr. cit. p. m. 19.* aliosque passim Auctores.

§. III.

His ita præmissis, ad majora nos jam vocat instituti nostri ratio. Sententiam igitur nostram proferemus, qualem & ratio & virtus exigunt: Quantumvis itaque magna sit Principis potentia, quam

quam summam esse supra adseruimus; modeste tamen opinamur, quod ad observandas leges civiles Ipse quoque, imperfecte tamen, obligetur. Scilicet Principi non solum competit potestas, leges civibus ferendi, sed insuper omnem ingenii aciem in id intendere debet, ut leges probe obseruentur; quo facto, & cives dicto magis obedientes, unde vera Eius potentia erit aestimanda, habebit, & finem civitatis facilius promovebit. Enimvero ea est mortaliū protervitas, ut plerique non tam rationibus, quantumvis liquidis & firmis, quam egregiis potius exemplis moveantur; quare si cives videant, Principem leges a se latas haud invitum observare, grave nequaquam ducent, illustria ejus sequi vestigia. (a) Contra ea vero si comperiant, Principem leges suas negligere; multi perverse credent, dulcedinem rerum prohibitarum sibi invideri. Unde præcordia eorum hanc facile concipient opinionem, quod leges istæ latæ sint, non ut obseruentur, sed ut dextre eludantur. Quo facto nihil in civitate certum, nihil firmum, sed omnia violenta erunt. Cum vero hæc rerum facies tranquillitati publicæ, quam sartam te&tamque præstare tenetur Princeps, repugnet; oppido patet, quod Princeps vel ex hoc capite ad observantiam legum civilium imperfecte obligetur. Dico *Imperfecte*: cum enim imperium ejus in terris summum sit, nemo datur superior, qui obligationem perfectam ipsi injungeret. Præterea cum leges civiles contineant iustitiae præcepta; Princeps vero quilibet ad eximiam hanc vir-

tutem, sine qua nullum imperium est diuturnum, conservandam ex fine civitatis obligetur, novo constat argumento, quod leges civiles imperfecte obligent Principem. Erunt autem forte quidam, qui pleniorē hujus argumenti disquisitionem desiderent, &c, quatenus Princeps legibus teneatur cibilibus, scire cupiant? Illoram proinde desideriis quodammodo satisfacere conabimur, summamque dīcendorum ad certa capita revocabimus. Primo igitur notandum est, quod Princeps teneatur legibus Civilibus, quæ relationem quandam ad imperii constitutionem habent. Ilo In negotiis suis particularibus Princeps quoque tenetur legibus cibilibus, quæ bona & possessiones concernunt. In his enim casibus ut pars civitatis spectatur; adeoque æquum omnino est, ut ad rationem integri se se componat (b) Ex industria dico in casibus particularibus: nam dum totius civitatis personam atque auctoritatem sustinet, solis legibus fundamentalibus & Jure Gentium tenetur. III:o Sunt etiam in civitatibus generales quædam constitutiones & varia solemnia, quæ ad bonum ordinem valde conducunt. Per hæc quoque obligatur Princeps, nisi vel expressis legibus ab horum obligatione sit solitus, vel hoc postulet dignitas muneris ipsius. Loquor autem leges, quæ conditiones personarum, præcipue vero quæ matrimoniorum perpetuitatem determinant. Scilicet hæ leges ideo sunt introductæ, ut familiæ cujusvis conservationem promoveant; nulla autem est familia, cujus continuus splendor magis iervari debet,

bet, quam Principis. IV:o In arduo tamen hoc argumento generaliter est notandum, quod si Princeps absoluta & illimitata gaudeat potentia, legibus cibilibus, quarum auctoritas ab ipso solo tum dependet, sit superior, & proinde harum obseruantiam negligere queat, quoties justitia & aequitas naturalis aliud non svadeant. V:o Dantur quoque leges, quæ ad bonos mores inter cives promovendos apprime conducunt, sicut ante vidimus; quin vero Princeps easdem observare & augusto suo exemplo confirmare debeat, nemo facile dubitat. VI:o Denique erit adjiciendum, quod Princeps omnibus legibus pœnaliibus longe sit superior, id quod ex indole Majestatis quam luculentissime constat. (c)

(a) Optime igitur *PLINIUS in Panegyr.* Cap. 56. Virtus Principis censura est, eaque perpetua. Ad hanc dirigimur, ad hanc convertimur, nec tam imperio nobis est, quam exemplo. Quippe infidelis recti Magister est metus. Melius homines exemplis docentur, quæ inprimitis hoc in se boni habent, quod approbant, quæ præcipiunt fieri posse. A quo non dissentit Auctor Libri: *Kununga vel Hvidinga Ettrilse* p. m. 167. Of thy sir Kunungur wara Livande Lag, of ma Lag gera stædja med dème of walde fino, id est: unde Rex Lex esse viva dicitur, qui Legem potest firmare iudicio imperioque suo. (b) Vid. J. N. HERITI *Dissertat. de Collisione Legum*, sect. IV. §. 32. (c). Confr. de VATTIEL, *Libr. ut. p. m. 20.* & 21. adde etiam, si placet, J. F. W. NEUMANNI *Libr. de Jure Principum personale Tom. I.* p. m. 84.

§. IV.

Non admodum dubitamus, multos futuros, quibus ea, quæ in medium haec tenus attulimus, non probabuntur, ideoque deusis objectionum nebulis nos confundere nitentur. Horum tamen impetum non multum exhorrescimus; sed eundem adverso etiam pectore excipiemus. Contendunt igitur non nulli opinionem istam, qua statuitur, Principem legibus civilibus imperfecte obligari, suprema Majestate parum dignam esse, siquidem hoc modo ipsas quoque semper observare teneretur. Enimvero non video quomodo incusarer, si vel maxime hanc admittrem conclusionem. Profecto sicut DEus, supremus ille totius universi Monarcha, leges Morales a se latas & observat, &, vi sanctitatis suæ, non potest non sequi, hoc tamen ipso de summa Ejus majestate nihil plane decedit; ita quoque dum Princeps leges, a se conditas, non transgreditur, Supremi Numinis imitatur exemplum (*a*), suamque adeo non minuit, sed indies confirmat & auget auctoritatem, quæ certe non imperioso nutu, sed opinione eximiarum virtutum nititur (*b*). Præterea cum legibus civilibus hoc intendat Princeps, ut suum cuique tribuat; evidens est, quod justitiæ præcepta contineant. Si quis igitur dixerit, quod ad illas observandas ne quidem imperfecte obligetur; næ ille parum interesse putat, utrum Princeps justitiæ laude inclarescat, vel non. Verum ejusmodi doctrina, quæ assentationem Hobbesianam immane quan-

quantum redolet, digna est, quæ in desertam quan-
dam exportetur insulam, ibidemque inter horridas
cautes & aspera faxa cum defensoribus tabescat.
Denique cum leges civiles sint decreta Principis, æ-
quitate naturali nixa (*c.*), dum hæc observat impe-
rans, liberrime agit, quoniam suam rationem sequitur
(*d*). Quod quidem sicut indecorum non esse, quilibet
animadvertisit; ita parasiti omnino sunt habendi, qui
plus ultra Principum extendunt potentiam (*e*). Post
hos insurgunt jam alii, urgentque, quod, salva no-
stra sententia, sequatur, quempiam posse seipsum
obligare. Verum ne sic quidem nostri turbantur cal-
culi, cum ex disciplina Morali adfatum constet, quod
quis se ipsum interne atque imperfecte obligare
queat. Nec denique magis confundimur objectio-
nibus illorum, qui dicunt, admissa nostra opinione,
nullam futuram differentiam inter Principem & ci-
ties ejus, cum utrique per leges civiles obligentur.
Tantum enim adest hic discrimen, quantum animad-
vertisit inter obligationem imperfectam & perfe-
ctam. Siquidem hi ad observantiam Legum civi-
lium, si tergiversentur, valide cogi possunt; ille au-
tem ad leges latae actiones suas sponte componit.

(a) Καὶ οὐστοὺς ἐπει μεθ' ἡμετέροις πανεύσου,

Οὐδὲ λιγὰς ἵξαινον, γένε το εἰπών

Ἐν δήμῳ, ηλ' εἰς δίχη θείων αἰθρώσων, id est:

Qualis apud veteres Divus regnabat Ulysses,
 Qui nulli civi dicto factove nocebat;
 Scilicet hoc hominem Diis immortalibus æquat.

Vid. HEINECCII Elem. Juris Nat. & Gentium p. m. 473. (b)

Vid. ARISTIPPE, ou de la Cour par Mr. BALZAC. p. 51. (c)

Hinc Regul. Judicial. XVII: *Thet Konunger med Skulom wil, thet skal råknas för Lagh, id est: Voluntas Regis, ratione nixa, pro lege est habenda.* (d) *L' Homme véritablement libre est celui, qui degagé de toute crainte & de tout désir, n'est soumis qu' aux Dieux & à la raison, vid. Les Aventures de TELEMAQUE par Mr. FENELON p. m. 99.* (e) Optime igitur EURIPIDES: *Οὐ τές ζετάντας ζεῖ οτανί αὐτὸν ζέων, id est: non fas, potentes posse, quod facere est nefas,*

§. V.

Ne quis tamen existimet, argumenta a nobis allata, civitate tantum Academica esse donata, parumque extra hoc valere territorium; agedum videamus, eadem in aulas magnorum Principum inde a remotissimis temporibus & recepta & sollicite fota fuisse. De antiquissimis igitur Ægypti Regibus constat, quod leges civiles in singulis fere negotiis ipsos obligaverint (a): quod eriam alibi usū receptum fuisse, multi ostenderunt (b). MINOIS, qui imperium fundavit Cretense, constitutiones memoria digniores sunt, quam ut quasdam earum nunc reticeremus. Statuit vero hic Legislator, quod quantum Princeps superior est civibus, tantum quoque ipso superiores essent leges: quod Princeps absoluta gauderet potestate, commoda civium rite promovendi; ista tamen nun-

nunquam abuti posset in perniciem vel infimi cuiusdam civis (c). De LYCURGO, rigido illo Lacedæmoniorum Legislatore, memoriæ produnt Scriptores, quod non *inventione magis legum suarum*, quam *earum exemplo clarus fuerit*; *liquidem lege nulla in alios sanxit*, *cuius non ipse primus in se documenta daret*: *populumque in obsequia Principum, principes ad Justitiam imperiorum formaret* (d). Quam quidem disciplinam alte adeo singulorum animis impressit, ut per plura secula inde oblitterari non potuerit. Quocirca AGESILAUS maximam putavit gloriam, observantiam præstare legibus patriis, quamvis a spe potiundi imperii Asiatici ipsum revocarent. Immo cum quidam ipsi nunciasset, rem quandam Magno Regi, id est, Persarum Monarchæ valde placuisse: *qua in re, inquit, magnus ille Rex me major est, si justitia me non antecedat* (e). De VESPASIANO etiam perhibent Historicæ (f), quod adiustrii moris fuerit; antiquo ipse cultu victuque. Quæ verba sic accipienda putamus, ut leges patrias sollicite observaverit. Polchra admodum est sententia THEODOSII & V LENTINIANI: *Salta nostræ reverentia majestatis, jus nobis cum privatis non deguamur esse commune* (g). Ingenue denique profitetur imperator JUSTINIANUS: *Digna vox est majestate regnantis, legibus alligatum se principem profiteri, adeo de auctoritate juris nostra pendet auctoritas*. Et revera majus imperio est, submittere legibus principatum, & oraculo praesentis editi, quod nobis licere non patimur, aliis indicamus (h).

(a) Viæ

- (a) *Vid. l' Histoire Universelle &c. Tom. I. p. m. 362.*
 (b) *Vid Lettres Juives par Mr. D^r ARGENS Tom II. p. m. 177.*
 (c) *Vid. Mr. de FENELOW citat. à ROLLIN. dans Son Histoire Ancienne Tom. IV. p. m. 234.* (d) *confr. JUSTINI Histor. Libr. III. cap. 3.* (e) *vid. Dictionnaire Hist. & Crit. par Mr. BATTE Art. AGESILAUS p. m. 93. a.* (f) *Confr. TACITI Annales Libr. III.* (g) *Vid. Libr. 68. C. THEOD. de appellationib.* (h) *Vid. ROLLINI Hist. An. Tom. XII. p. m. 627. ubi hanc addit observationem illustris Auctor: C'est un Empereur, Maitre de presque tout l'Univers, qui parle ainsi, & qui ne craint point de donner atteinte à son autorité, en declarant lui-même les justes bornes, dans lesquelles elle est renfermée.*

§. VI.

Ulterius ne illi, qui omnia in pejus sensim ruere, sibi aliisque perivadent, & perverse credant, tanta humanitatis & æquitatis exempla recentiori ævo plane in desvetudinem abiisse; juvat nunc, quasdam tam exoticorum quam indigenarum Principum sententias, auro cedroque dignissimas, proponere. Notum igitur est, quod Reges Magnæ Britanniæ, ut ab his incipiamus, priusquam ad regni gubernacula accendant, solemni jurejurando se obstringant, se non solum executioni Legum patriarcharum invigilaturos, verum easdem quoque observaturos. Quis autem perficitæ adeo frontis esset, ut contenderet, ejusmodi iurandum nihil plane valere, sed inter coronationis cæmonias esse referendum. Certe qui talia jaætitat, simul admittat necesse est, majores, qui hæc introduxerunt in-

instituta, liberam fuisse gentem, illorum vero ne-
potes in mancipia degenerasse. Insuper ab ipsis
Iustis dudum receptum est axioma: *Quod Rex in suo
regno superiores habeat DEUM & Legem, quibus
aque paret, ac quivis civium (a).* Nec hoc loco
est prætereundum, quod Rex Angliæ a dignitate sua
haud remotum putet, in initio cuiusvis conventus
Ordinibus regni congregatis rationem omnium fere
negotiorum reddere, & in primis quod legibus sua con-
stituerit auctoritas, ostendere, Ordinumque applausum,
tanquam exoptatissimum laborum suorum præmium,
desiderare. Urgeat vero quispiam, judicia in al-
lata a nobis controversia pro diversa imperii for-
ma, quæ hic vel alibi locorum est recepta, per-
quam variare, nec admodum mirandum, si Reges
Angliæ modestius sentiant, cum Limitata gaudeant
potentia. Tranfretemus igitur in vicinam Galliam,
ubi alia omnino est imperii indoles. Sive autem
ingentem potentiam, sive intensem studium eandem
defendendi & ostendendi consideremus, inter Gal-
liæ Reges LUDOVICO XIV majorem invenimus
facile neminem; nihil tamen minus magnanimus
hicce Princeps nostram quoque comprobavit senten-
tiam. Dicere enim consueverat: *Qu' on ne dise point,
que le Souverain ne soit pas sujet aux Loix de son état,
puisque la proposition contraire est une Vérite du Droit
des Gens, que la Flatterie a quelque fois attaquée,
& que les bons Princes ont toujours defenduë, com-
me une Divinité tutélaire de leurs états (b).* Quid?
Quod boni Principes civibus suis nonnunquam per-

miserint, ut contra ipsos coram constitutis se defendere possent judicibus, nec indignati sint, si causa interdum ceciderint; quemadmodum pluribus ostenderemus, si proposita permitteret brevitas (c).

(a) *Vid. Lettres Juives par Mr D^r Argens Tom. V. p. m. 19. & seqq.* ubi ex testimonio Angli cuiusdam plura affert, quæ ad rem præsentem apprime faciunt. (b) *Vid. Traité des Droits de La Reine sur divers Etats de la Monarchie d'Espagne 1667. cit. a VATIEL in Libr. citat. p. m. 20.* (c) *Vid. Bibliothèque Universelle par Mr. CLARK An. 1687. Tom. IV. p. m. 181.*

§. VII.

Postulat nunc instituti ratio, ut ad Scandiam, quam non solum ut vaginam gentium, sed insuper ut virtutum palæstram nobis proponunt Scriptores (a), hos convertamus. Celebrantur autem ab his non solum cives propter eximium in Reges obsequium & continuum justitiæ studium (b), sed in primis Reges nostri Augustissimi lautissimas promeruerunt adorcas, quippe qui sive antiqua sive recentiora spectemus tempora, legibus patriis grande staruerunt pretium, & probis potius exemplis, quam severis mandatis populum ad observantiam legum deduxerunt. Ipsi igitur nunquam ægre tulerunt, quod potestas ipsorum ad stricta esset non solum pactis acque legibus Divinis, tanquam basi suæ, verum etiam restricta potestate territoriali (c), quare Romanorum quoque promeruerunt admirationem (d). Sic de FROTHONE memoria produnt Auctores, quod omnem

omnem navaverit operam, ne populis quidquam, nisi justum, æquum & pium eveniret, vitamque suam potius, quam justitiam violari passus sit (*e*). Quam multis vero exprobationibus defunctus sit CLAVUS SKOTT-KONUNG, quod Legibus sele superiorem crederet, orationes THORGNYRI & EMUNDI, Legitorum Uplandiæ & W. Gothiæ abunde testantur, quorum hic pro ea, qua fuit, gravitate sententias, quas in privatis Rex tulerat negotiis, legibus Uplandicis adjungendas curavit, ad quarum tenorem Regis etiam gesta exigi potuerunt (*f*). Deinde accepimus, INGONEM Tertium, acerrimum fuisse justitiae custodem ac vindicem, eamque non ab aliis, quam se ipso, magis exegisse, studio prorsus singulari, quod fas æquumque, quod receptæ Leges publicæ postularent, observans (*g*). Unde quoque publico Svecorum Gothorumque testimonio probatum legimus, ipsum nunquam contra Leges patriæ deliquisse (*h*). A turbidis his temporibus ad ea, quæ nobis propiora sunt, devolvimur. Quamvis igitur gl. mem. Rex CAROLUS XI absolutam accepisset potentiam; illis tamen non adsentiebatur, qui nullis ipsum legibus teneri, sed his longe superiorem esse, iterum iterumque creverunt. Constitit hoc præcipue in Narvensium causâ, in qua graviter ita pronunciavit: Nulla urgente necessitate, inque ordinario juris processu, a nobis constituto, quidquam immutare, aut ita nos ferre supra leges, ut easdem subditis nostris præsidio ac securitati cedere non patiamur, id vero prorsus alienum est ab officio nostro regali & repugnat publicæ securitati, quam civibus

sponsordimus & juravimus. Immo ne quidem editis, atque, quas vocant, resolutionibus suis in iudicio standum esse, bis aut ter rescripsit, nisi legibus congruere deprehenderentur (i). Qui etiam solium Regale hodie, utinam diu & feliciter! exornat REX Noster POTENTISSIMUS, sicut publicam salutem esse SUAM existimat; ita Ipso vel magis magnanimum vel æqui observantiorem inter Heroas invenimus neminem.

Guds Kärlecker see med Konunge wårem och allom Allmogha Håns!

- (a) Vid. NEUHUSII *Theatrum ingen. hum. n.* Libr. I. Cap. 13. (b) Quare FRIDERICUS ACHILLES, Dux Wurtenbergensium, in hæc erumpit verba: Magnifacio Svecos, quia candidi & recti amantes, vid. Th. LANSIUS in *consul-tat. de Princip. inter Prov. Europ.* p. m. 676. (c) Vid. WILDII *Præparat. Hoægetic.* p. m. 32. (d) Confr. TACITI *German.* Cap. VIII. p. m. 42. (e) Vid. Job. MAGNI *Hist. Goth.* & Sver. Libr. VII. Cap. 13; nec non LOCCENII *Hist. Svec.* Libr. I. p. 3. (f) Vid. STURLONIDIS *Himskr.* Tom. I. Cap. 96, nec non DALINI *Hist. Svec.* Tom. I. p. m. 203. not. I. (g) Vid. SCHEFFERI *Memorabt.* Sverib. Cap. XI. §. 4. 5. (h) Confr. Job MAGNI *Hist.* Libr. XVIII. C. 10. & LOCCENII *Hist.* Libr. I. p. m. 69. (i) Vid. J. WILDII *Hist. Præmat.* Sver. p. m. 15, 705, 706.

